

詩

益

詩益卷十六

金壇後學劉

鄭

將仲子

序說刺莊公也。不勝其母以害其弟。弟叔失道而公弗制。祭仲諫而公弗聽。小不忍以致大亂。晉朱子曰。莆田鄭氏謂此實淫奔之詩。無與莊公叔段之事。序蓋失之。今按莆田鄭氏駁小序說得之。但謂淫奔之詩。則猶未盡篇意也。魯齊王氏曰。淫奔者改行之詩。其義甚正。故

今從之詳見本傳

吳氏肅公因左傳鄭子展賦此詩欲更從序義

吳氏曰左

傳鄭子展賦此詩取兄弟相養之意豈深本語乎然祭仲請莊公誅弟叔段

而詩乃以踰里折杞引喻辭意已爲不類又莊公唯母姜氏在而詩曰父母之言可畏言母件及父亦與當日情事未合也左氏賦詩多附會之說而未可深據見後引詩錄辨。

叔于田

序說刺莊公也叔處於京繕甲治兵以出於田國人說

而歸之。朱子曰。國人之心。或於叔而歌其田狩適野之
事。初非以刺莊公。亦非說其出於田而後歸之也。集傳
段不義而得衆。國人愛之。而作此詩。今按朱子辨說及
傳解善矣。但所謂國人愛之者。惟叔段之黨與耳。非國
人之公心也。既後莊公伐京。京人卽叛大叔段。可知國
人之說叔段而歸之者。其亦鮮矣。

大叔于田

序說及朱子集傳同上篇。

清人

序說鄭公子素作此詩。朱子集傳削之。今按序說蓋有所本。而無害於義。存之可也。

羔裘

序說刺朝也。言古之君子以風其朝焉。朱子曰。序以變風不應有美。故以此爲言。古刺今之詩。今詳詩意。恐未必然。且當時鄭之大夫。如子皮子產之徒。豈無可以當此詩者。但今無可考耳。今按朱子辨說善矣。凡序云陳古刺今者。皆當以此義推廣之。其謬誤可不辨而明也。後凡此類不復著。

避大路

序說思君子也。莊公失道。君子去之。國人思望焉。毛鄭氏大意謂設爲國人留之之辭。今按此篇序說及毛鄭氏舊解。本篇詩意明白可通。又上與羔裘篇有反對之義。故今從之。但所謂莊公者未有考。其時世宜從閔耳。篇中寔字疑當篆絕義。乃爲文從字順。然無據可質存之。

女曰鷄鳴

序說刺不說德也。陳古義以刺今不說德而好色也。朱

子曰未有以見其陳古刺今之意集傳此詩人述賢夫婦相警戒之辭今按此篇從朱子傳解序說見上羔裘篇

有女同車

序說刺忽也。鄭人刺忽之不昏於齊云云。朱子曰此詩未必爲忽而作。序者但見孟姜二字。遂指爲齊女而附之於忽耳。今按朱子辨說善矣。愚更以篇意考之。首章曰有女同車。顏如舜華。將翱將翔。佩玉瓊琚。此人既自言與其女子同車而行。復見其顏色儀容之美如此。因

而嗟嘆之曰彼美孟姜洵美且都當時鄭國必實有此

女夫豈假託之言哉

鄭志辭告之妻女未亡鄭志毛鄭及孔氏解謂假言忽實娶之稱親

迎司車之禮

且鄭昭公忽在文公前而此篇以下至襄襄並

次清人之役絕無義理可尋亦與聖人編次之意不合

序說不足據也此以下諸篇並從朱子傳解爲止

此下至襄

襄五篇朱子傳解並作淫奔之詩詳見本傳

華谷嚴氏又謂篇首有女指忽所娶他國之女似比

毛鄭氏舊解稍善然與下文孟姜作兩人章意不通

貫矣范氏逸齊復因文姜淫惡云詩中孟姜謂齊復

請妻之女

孔氏疏說同

夫齊之他女賢否不見經傳然襄

公烏獸之行聞於列國鄭人何爲不知遷忌但以國勢寡弱之故必欲與齊爲昏而思念之不慎哉又篇中但泛云孟姜必謂齊之役女而不指文姜亦是曲解而實無明據也諸說皆支離不可通已見前總釋又按孟是長姜今云齊復請妻之女亦恐于理不可通

山有扶蘇

序說刺忽也所美非美然朱子曰此下四詩反揚之水皆男女戲謔之辭序者不得其說例以爲刺忽殊無情

理。今按此篇說見上及下校章篇。

釋分

序說刺忽也。君弱臣強不倡而和也。今按此篇序說稍近理。然與上下篇並次。清人之後。其於詩義終不合也。說已見上。

校章

序說刺忽也。不能與賢人圖事。權臣擅命也。朱子曰。昭公嘗爲鄭國之君。而不幸失國。非有大惡。使其民疾之如寇讎也。况方刺其不能與賢人圖事。權臣擅命。則是

公猶在位也。豈可忘其君臣之分。而以較童目之耶。昭公爲人柔懦疎闊。不可謂教。卽位之時。年已壯大。不可謂童。序於山有扶蘇。所謂教童者。方指昭公所美至此。篇遂移以指公之身焉。則其舛又甚。而非詩之本旨明矣。今按朱子此篇辨論正大千古不易之常理也。愚嘗謂史通載箕子麥秀歌。亦直呼紂爲較童。此古今傳聞之誤。而不可爲信。夫紂雖亡國之主。然其子之舊君也。豈可輕薄痛害至此。其片謬與理。與此正同。後來學者。必欲遷就其說。而從序

義。或謂較童指祭仲。而非斥昭公。又或謂指昭公任用之人。范氏逸齊曰。較童指祭仲。華谷廉氏曰。較童或指祭仲。或指祭仲。忽以世子爲鄭君。當時國人不得目

爲校童也。若恭祭仲。當昭公即位時。仲已老矣。亦不應
目爲童也。今考山有扶蘇。刺忽所美。此時正指忽所用
之人。豈知稱公校童。固乖君臣名分。卽以稱所任用之
小人。亦覺痛口。至哉輕薄已甚。非古者立言之體。况復
以之目祭仲老臣乎。愚謂有女同車以下諸詩。本皆民
俗歌謠。男女淫奔之辭。俟朱子傳解。自直截明白。諸儒
紛紛聚訟。終無當也。

纂裳

序說思見正也。狂童恣行。國人思大國之正已也。朱子
曰。此序之失。本於子大叔韓宣子之言。而未察其斷章。

取義之意耳。今按毛鄭氏舊解此篇以狂童指厲公矣。夫突當爭國之時年已長矣。又嘗爲鄭君目之狂童得乎。春秋傳子大叔語乃左氏附會不通之論。小序據之爲義謬也。見後引詩錄辨。

手

序說刺亂也。昏姻之道缺。陽倡而陰不和。男行而女不隨。朱子曰。此淫奔之辭。序說誤矣。今按序意以此篇爲男子親迎而女不從之詩。然考詩曰。子之丰兮。俟我于巷兮。悔予不送兮。夫親迎女隨男行。豈送之謂哉。今當

以朱子傳解爲正詳見本傳

東門之墀

序說刺亂也。男女有不待禮而相奔者也。今按此篇序說與朱子傳解略同。但序云刺亂猶衛桑中篇義。朱子集傳作淫者自敘之辭。今從朱子傳說已見前總議。

白雲許氏曰。以後世觀之放淫之辭。深能道狎邪之情狀者。未必皆其所自作。亦當時善爲詞章。深知風俗者爲之耳。故愚於東門之墀。以爲詩人道其男女之意。而非其自作。此類亦多。非獨此篇。亦非獨淫邪。

之詩爲然也。今按三百篇作者。今多不可曉。但如此

等語。或謂他人代作。唯桑中一篇。乃可據信。詩中

士曰。明是他人敘事之辭。若衛風桑中之類。其說或當兩存。桑中

采芣與採之類矣。云誰之思。美孟姜矣。亦似他人代述語矣。下文曰我。或作代辭。說亦可通。至如

此篇語意曰。爾曰我。明是其人自爲思念之辭。乃必

云他人代作。其義不亦曲乎。夫後世人心不古。立言

每多假借。若三百篇比興賦體。明白分明。古人言質

恐未可以後世著作之意例之也。

風雨

序說思君子也。亂世則思君子不改其度焉。朱子曰詩詞輕佻狎昵。非思賢之意。集傳淫奔之女云云。今按朱子辨說曰。非思賢之意。是固然矣。但此篇與前後篇不同。解見本傳。蓋前後篇淫女呼所私曰子。曰狂且。曰狡童。此篇曰君子。君子。婦人謂其夫之稱。以此證之。朱子集傳說猶未盡篇意也。故今增補其義。此篇本傳蓋此類凡詩解既見君子者而得其義。如周南汝墳召南草蟲之屬。皆有此義。故作婦人思其君子之詩。亦與前有女同車以下諸篇有反對之義。說詳詩次問。

子衿

序說刺學校廢也。亂世則學校不修焉。朱子曰。此篇語意儼薄。施之學校尤不相似。集傳此亦淫奔之詩。今按禮有來學無往教。詩曰。縱我不往。子寧不嗣音。縱我不往。子寧不來。夫不往云縱。則固有往理矣。此往來之常辭。非刺學校語也。朱子謂其不相似。信矣。今以前後篇詩意推之。當從朱子傳解爲正。

楊之水

序說閔無臣也。君子閔忽之無忠臣良士。終以死亡。而作是詩也。朱子曰。此男女要結之辭。序說誤矣。今按此

篇序說重作。閔忽之詩。其無理易明。今從朱子傳解。

按鄭風自有女同車至此。序說舊解尤錯雜失類。如有女同車至褰裳五篇。既刺其君忽矣。而東門之墠以下。或刺淫亂。或思君子。或刺學校。或復閔忽。詩意錯雜如此。聖人編次鄭風之義。豈復可講哉。以此推之。此上諸篇之當從朱子傳解益信。

出其東門

序說閔亂也。公子五爭。兵革不息。男女相棄。民人思保其室家焉。朱子曰。此惡淫奔者之辭。序誤集傳人見淫

奔之女而作此詩。今按此篇序說。庸庸無理。朱子辨說
信矣。但詩曰。出其東門。有女如雲。雖則如雲。匪我思存。
蓋詩人見此女而思不存。以明已之守。非謂此如雲之
女皆淫奔女也。朱子傳解云云。宜善體會之。

野有蔓草

序說。思遇時也。君之澤不下流。民窮於兵革。男女失時。
思不期而會焉。朱子集傳。男女相遇於野田草露之間。
故賦其所在。以起興。今按此篇序說。與朱子傳解。大意
略同。但序增君澤不下流。民窮兵革二語。而朱子削之。

今從朱子

頴濱蘇氏據左傳子大叔賦此篇云思見君子之詩

吳氏肅公復引韓詩外傳說云朋友期會之詩蘇氏曰鄭

人或憂草露露思得君子以被其膏澤庶幾邂逅見之故鄭子大叔賦此詩趙文子曰吾子之惠也意取

此矣或曰有美一人婦人之謂也然則彼姝者子何

以興之亦豈婦人也哉吳氏曰蔓草朋友期會之詩

韓詩外傳孔子遭齊程木子於郊傾蓋而語終日頴

子路東帛十匹以贈先生曰詩不云乎野有蔓草云

云齊程木子天下之賢士也吾二者今考之詩意皆

於是而不贈終身不之見也

不合也蓋衛風于旌以彼姝比賢者下文曰何以興

之則其義可通若此篇稱有美而下文但言其容貌

之美。曰清揚婉兮。則眩色之語。非擬德之辭。春秋傳
說。固多附會。韓氏外傳歌詩。蓋亦斷章節取。非作者
本旨也。

溱洧

序說刺亂也。兵革不息。男女相棄。淫風大行。莫之能救。
焉。朱子集傳。此淫奔者自敘之辭。今按序說云。刺亂。義
見前總辨。詩曰。女曰觀乎。士曰既且。且在觀乎。洧之外。
洵訏且樂。篇中既以女曰。士曰爲文。則是旁人代敘其
事如此耳。故今增補朱子之義。

或疑詩有直敘其事而惡自見者。此篇之類是也。卽以爲刺。不亦宜乎。愚按所謂惡自見者。亦後世讀詩之人以爲如此耳。當時國人漸染成俗。習熟見聞。雖或心知其非。恐未必深以爲可恥也。蓋此等民俗歌謠之辭。譬如里巷俗語。非有含蓄深意。故意有所刺。則直刺之。如惡嫌薄之奔奔之屬其無所刺。則唯歌其事而已。說見前夫子取其有所刺者。著爲善政之應。輟錄一篇是也。其無所刺而邪淫已甚者。着爲衰俗之驗。鄭風此篇之類是也。學者先當講明聖人之意。以切求

本篇詩人之意對得之矣。

齊

鵲鳴

序說思賢妃也。哀公荒淫怠慢。故陳賢妃貞女風。夜磬
戒相成之道焉。朱子曰。此序得之。但哀公未有考。豈亦
以證惡而得之與。今按篇中未見陳古刺今之意。說已
見前。至所謂賢妃者。不知何時人。序說既已不合。他書
絕無引據。姑不得已闕之。又按此篇蓋詩人美賢妃而
作。詩首章二章上二句連賢
妃告君之語。下二句乃詩人敘之之辭。若作賢妃
自作。則下二句意不可通。故不從其說。讀者詳之。

還

序說。刺荒也。哀公好田獵。從禽獸無厭云云。朱子辨說同上。今按此篇乃國人相誇美之辭。非爲刺其君作也。序說云云。蓋緣上篇之誤如此。今解詳本傳。

著

序說。刺時也。時不親迎也。毛鄭氏謂詩陳親迎之禮。刺今不親迎。朱子集傳。東萊呂氏說曰。時齊俗不親迎。故女至壻門。始見其俟已也。今按儀禮。親迎時。壻至婦家。道歸自內出外。及壻門。道婦自外入內。今詩先言者。次

言庭。次言堂。正婿道婦入內時也。呂氏說善矣。故朱子集傳從之。毛鄭氏舊解。非詩意也。

東方之日

序說刺衰也。君臣失道。男女淫奔。不能以禮化也。朱子曰。此男女淫奔者所自作。非有刺也。其曰君臣失道者。尤無謂。今按此篇未有刺意。序說無理。義已見前總辨。東方未明。

序說刺無節也。朝廷興祐無節。號令不時。朱子集傳說。同。今按此篇序說。朱子傳解未有明指。集傳但曰刺。唯其君云云。

鄭諸孔氏疏作刺哀公詩。亦緣誤解前數篇之義故耳。
今姑從闕。或曰。此篇下北南山。蓋亦刺襄公之詩。春秋
傳稱襄公使趙盾至父戊葬邱。瓜時而往。曰及瓜而
代。期戍公問不至。請代。不許。故謀作亂。此號令不時之
一證也。淫亂如襄公。則其興居無節可知。篇中所刺。蓋
襄公近之。詩有必待時世名氏而明者。此類是也。或說
亦可通存之。

甫田

序說刺襄公也。無禮義而求大功。不修德而求諸侯。朱

子曰。未見爲襄公之詩。今按此篇非刺其君之詩。朱子辨說善矣。但集傳未有明解。集傳祇云戒時人厭小。今務大忽近。圖遠云云。據篇意。切玩之。猶衛風芄莠意也。詳見本傳。

盧令

序說刺荒也。襄公好田獵。畢弋而不修民事。百姓苦之。故陳古以風焉。朱子曰。義與還同。序說非是。今按此篇說亦同上還篇。

敝笱

序說刺文姜也。齊人惡魯桓公微弱。不能防閑文姜。使

至注亂爲二國患焉。朱子集傳齊人以敵笏不能制大魚。比魯莊公不能防閑文姜。今按此篇當從朱子傳解。詳見本傳。

彭山季氏曰。舊說魯桓公微弱不能防閑文姜。桓公時文姜尙未肆。集傳得之。愚按桓公如齊被弑。罪由文姜其淫惡爲已極矣。豈得云未肆乎。季氏說未盡。令也。但詩言敵笏不能制大魚。比子之於母。義較清切。又桓公與文姜同如齊。魯臣之從者。從桓公不但從夫人也。今詩乃曰齊子歸止。其從如雲。諸意已明。

指莊公時文姜獨往會齊襄言矣。以此証之。朱子傳說乃信。

載舉

序說齊人刺襄公也。無禮義。故盛其車服。疾驅於通道大都。與文姜淫。播其惡於萬民焉。朱子曰。此亦刺文姜之詩。今按此篇朱子傳說得之。詳見本傳。

魏

朱子集傳蘇氏曰魏地入晉久矣。其詩疑皆爲晉而作。故列於唐風之前。猶邯鄲之於衛也。今按魏風固有桃

碩鼠二篇與王風黍離柏風莠楚略相類其爲亡國之詩甚明孔子論次魏風而終於碩鼠所以明魏之卒入於晉也然則魏風非晉詩矣蘇氏說未足據也左氏季札觀樂傳邶鄘衛合歌及魏唐則分歌之又其贊辭各別亦一驗耳

爲履

序說刺褊也魏地陜隘其民機巧趨利其君儉嗇褊急而無德以將之朱子集傳作刺民俗之詩又曰疑卽縫裳之女所作今按詩曰好人提提俾其象揄象揄貴者

之飾。

朱子傳解曰。

則恐非刺民俗之謂矣。又但曰好人亦非

刺其君可知。蓋此篇下與汾沮洳相屬。亦刺在位之詩。

耳。詳見本傳。

汾沮洳

序說刺儉也。其君儉以能勸刺不得禮也。朱子曰。此未必爲其君而作。今按詩首章曰。彼其之子。美無度。美無度。殊異乎公路。二章曰。殊異乎公行。三章曰。殊異乎公族。其爲刺在位之詩甚明。朱子辨說善矣。但集傳疑公路。公行。公族爲晉官。又曰。恐魏亦嘗有此官。今考魏風。

非晉詩說已見上。當從集傳後說爲正。

陟岵

詩首章曰陟彼岵兮。二章曰陟彼屺兮。毛傳山無草木曰岵。有草木曰屺。朱子集傳同。今按孔氏疏曰爾雅釋山曰多草木曰屺。無草木曰岵。傳言與爾雅相反。當是傳寫誤也。故今更正之。詳見本傳。

十畝之閒

序說刺時也。言其國削小。民無所居。蓋朱子曰國削則其民隨之。序文無理。說已見本篇。集傳政亂國危。賢者

不樂仕於其朝而思與其友歸於農圃故其辭如此今
按此篇並從朱子傳解詳見本傳

伐檀

序說刺貪也在位貪鄙無功受祿君子不得仕進耳朱
子曰此詩專美君子之不素餐序言刺貪失其指矣今
按朱子此篇辨說善矣但詩人亦有嗟嘆婉惜之意恐
不得祇云美也詳見本傳

碩鼠

序說刺重斂也因人刺其君重斂蠶食於民不修其政

貪而畏人。若大鼠也。朱子曰。此亦托碩鼠以刺其有司之醜。未必直以碩鼠刺其君也。今按朱子辨說善矣。但魏之有司如此。則其君亦從可知耳。

唐

蟋蟀

序說刺晉僖公也。僖不中禮。故作是詩以開之。欲其及時以禮自娛樂也。朱子曰。序所謂刺僖公者。蓋特以諷得之。而所謂欲其及時以禮自娛樂者。又與詩意正相反耳。今按此篇及下山有樵。蓋皆國人憂亂之詩。非刺

其君之謂也序說信與詩意不合。但朱子集傳唯指民俗而言不及憂亂之意。集傳庸俗勤儉云云。故今增補其義詳見本傳。

山有樞

序說刺晉昭公也不能修道以正其國。有財不能用。有鐘鼓不能自樂。有朝廷不能洒掃云云。朱子曰。此詩蓋亦答蟋蟀之意。而意其憂非臣子所得施於君父者。序說大誤。今按此篇說見上。又玩篇意較前篇更切。詳見本傳。朱子集傳亦曰其憂愈深而意愈深矣。朱子謂答前篇之意而寬其

憂說未可泥也。

或疑此篇未見憂亂之意與前篇不同。

前篇首章曰

章曰既思其亂三章曰

後車其休皆憂亂之嘆解見本傳蓋唐俗憂深思遠。

故其言如此耳。愚按詩首章曰子有衣裳弗曳弗褻。

子有車馬弗馳弗驅。宛其死矣他人是愉。二章曰子

有廷內弗洒弗埽。子有鐘鼓弗鼓弗考。宛其死矣他

人是保。三章曰子有酒食何不日鼓瑟。且以喜樂。且

以求日。宛其死矣他人入室。夫唐俗雖云憂深思遠。

然當國家無事時。忽作此愴神痛心之語。亦大不情。

而又相戒以曳衣裳。馳車馬。考鐘鼓。饗酒食。以喜樂
未日。若非有激而言。母乃敖情狂僻之民。其詩又何
足錄焉。但其時曲沃雖強。晉尙未滅。而國人豫憂之。
故篇中隱約其辭如此。此則所謂憂深思遠耳。

揚之水

序說刺昭公也。昭公分國以封曲沃。沃盛彊。昭公微弱。
國人將叛而歸沃焉。朱子曰。詩文明白。序說不誤。今按
此篇朱子集傳竝從序說。但考詩人有叛晉歸曲沃之
心。而無刺昭公意。序說首句云云。宜更正之。

椒聊

序說刺晉昭公也。君子見沃盛彊，能修其政，知其蕃衍盛大，子孫將有晉國焉。朱子曰：此詩未見其必爲沃而作也。今按此篇上屬揚之水，其爲爲沃而作甚明。序說明白清切，斷而從之可也。

按春秋傳：史記：晉昭侯元年，封桓叔於曲沃。七年，晉潘父弑昭侯，納桓叔不克。晉人立孝侯。孝侯八年，桓叔卒。子莊伯立。十五年，曲沃莊伯弑晉孝侯於翼。其後曲沃屢興師伐晉，虜殺晉君。至武公卒，滅晉有之。

以此言之。曲沃自潘父弑昭侯納桓叔後。已與晉爲敵國。而其叛迹顯然矣。揚水詩人。既叛晉從曲沃。又曰。我聞有命。不敢告人。其作於昭公始封曲沃。叛迹未露時乎。椒聊與揚水同夾。蓋亦同時而作。若在昭公以後。沃之碩大且遠。已不待詩人言之矣。

綱繆

序說刺晉亂也。國亂則昏姻不得其時焉。朱子曰。此但爲昏姻者相得而喜之辭。未必爲刺晉國之亂也。今按國亂故昏姻失時。此爲推原之論。則得之。云刺亂非也。

朱子辨說信矣。但集傳作詩人敘其夫婦之辭。今玩篇意。蓋卽新婚女子所作。恐非詩人敘之。詳見本傳。

杕杜

序說刺時也。君不能親其宗族。骨肉離散。獨居而無兄弟。將爲沃所并爾。朱子曰。此乃人無兄弟而自歎之辭。未必如序說也。今按此篇從朱子傳解。詳見本傳。

羔裘

序說刺時也。晉人刺在位不恤其民也。朱子集傳。此篇不知所謂。不敢強解。今按此篇序說及毛鄭氏舊解。明

自清切。故今復從其義。詳見本傳。

無衣

序說美晉武公也。武公始并晉國。其大夫爲之請命於天子之使。而作是詩也。朱子曰。此詩若非武公自作。以述其賂王請命之意。則詩人所作。以著其事而陰刺之耳。序乃以爲美之。失其旨矣。今按序說云云。蓋亦謂請命之大夫自美之耳。非謂他人美之也。但篇中祇述請命之意。而未有稱譽之辭。序說終爲衍義耳。故從朱子削之。

有杖之杜

序說刺晉武公也。武公寡特，兼其宗族而不求賢以自輔焉。朱子集傳：此人好賢而恐不足以致之云云。今按此篇蓋國人好賢之詩。朱子傳解得之，序說不足取也。
葛生

序說：刺晉獻公也。好攻戰，則國人多喪矣。朱子辨說見下篇集傳：婦人以其夫久從征役而不歸云云。今按此篇蓋婦人悼亡之詩。故末二章曰：夏之日，冬之夜。百歲之後，歸於其室。冬之夜，夏之日。百歲之後，歸於其室。若

使其夫此時尙在。則猶有生還之望。奚遽要之死。後同歸以自誓。而作此決絕語哉。故今增補集傳之義。至篇中未有刺其君意。小序謬說。信如朱子所譏耳。

采芣

序說刺晉獻公也。獻公好聽讒焉。朱子曰。獻公固喜攻讒。而好讒。佞然未見此二詩之果作於其時也。集傳此刺聽讒之詩。今按此上二篇。朱子辨說得之。時世並宜從闕。詳詩次問。

或疑杜葛生二篇。皆非刺其君之詩。序說固失之。

若采苓云刺獻公信譏。義似可通。愚謂不然。蓋獻公時譏人之害大矣。寵驪姬二五之變。以動搖國本。殺其大子。而逐諸公子。卒致衰亡之禍。屢見於後。而國幾滅亡。今此篇刺譏之辭。但曰人之爲言。苟亦無信。舍旃舍旃。苟亦無然。人之爲言。胡得焉。其言之庸緩而不急切如此。其於獻公時情事固不相類。舊說不足據也。

秦

車鄰

卷六

詩雅辨

七

序說美秦仲也。秦仲始大有車馬。祖樂侍御之好焉。朱

子曰。未見其爲秦仲之詩。

集傳云。秦君而未有明指。

安成劉氏曰。詩

曰。未見君子。寺人之令。秦仲祇宣王大夫。未必得備寺

人之官。此詩疑作於平王命襄公爲諸侯之後。今按此

篇下與駉賦同次。而其辭事又相類。安成劉氏說得之。

詩有必待時世名氏而明者。此類是也。存其義。俟後之

君子。

駉賦

序說美襄公也。始命有田狩之事。圖國之樂焉。朱子集

傳亦未有明指。今按此篇所言。皆諸侯田獵之事。而又有創見誇美之意。其爲襄公始命時詩。蓋可信。序說未可削也。詳見本傳。

小戎

序說美襄公也。備其兵甲以討西戎。西戎方彊而征伐不休。國人則矜其車甲。婦人能閔其君子焉。朱子曰。此詩時世未必然。而義則得之。集傳。西戎者。秦之臣子。所與不共戴天之讎也。襄公上承天子之命。率其國人往而征之云云。今按詩曰。在其板屋。板屋。西戎俗也。漢書

地理志可考。序說得之。朱子集傳裏公云云。蓋已從序
義辨說云。時世未必然者。乃復爲疑詞耳。今從集傳爲
正。

蕪葭

序說刺襄公也。未能用周禮。將無以固其國焉。朱子曰。
此詩未詳所謂。然序說之鑒。必不然矣。今按此篇蓋美
國人好賢之詩。詩曰。所謂伊人。謂賢者也。此固不必求
其人以實之。至篇中未有刺其君意。朱子辨說是也。詩

章曰。蕪葭。淺淺。亦
作葭。故本傳云。生貌。

終南

序說戒襄公也。能取周地，始爲諸侯，受顯服，大夫美之。故作是詩以戒勸之。朱子集傳亦云：秦君而未有明指。今按此篇亦有創見誇美之意，其爲襄公始封諸侯時詩，蓋可信。序說未可削也。惟所謂戒勸者，則衍義耳。或疑史記周昭襄公岐豐之地，至文公始逐戎居之。詩言至終南，恐非襄公之時。然襄公嘗以兵伐戎至岐矣，安必其不至南山乎。

晨風

序說刺康公也。忘穆公之業。始棄其賢臣焉。朱子曰。此婦人念其君子之辭。序說誤矣。今按詩曰。未見君子。憂心欽欽。如何如何。忘我實多。此婦人怨其夫之辭。若謂臣子怨君。則失之。慙而非體矣。朱子辨說得之。但詩言忘我實多。有責其夫棄已之意。朱子集傳義未及此。故今增補之。

無衣

序說刺用兵也。秦人刺其君好攻戰。亟用兵。而不與民同。故焉。今按篇中未有刺其君之意。故朱子辨說曰。序

與詩情不協。今從朱子傳解。詳見本傳。

此篇諸家異議頗紛。穎濱蘇氏及李氏迂拙。黃氏實夫並云陳古刺今之作。與小序毛鄭氏舊解不同。仁山金氏又謂秦莊公時詩。蓋周宣王命莊公伐西戎。從征者告語之辭如此。愚按諸家惟泥詩中王子興師一語。遂疑紂周之世。列國無有奉王命興師者。故蘇氏李氏輩既易序義作陳古刺今。而仁山金氏又改朱子傳說云莊公時詩。不知篇中此語蓋亦假設之言。非必當時實有是事也。此篇既次小戎黃鳥之

後固不得復爲莊公時詩。

莊公在襄公穆公前。

又其言曰。與子

同袍。與子同澤。與子同裳。祇是同輩親愛之語。小序

毛鄭氏及諸家作代君謂民之辭。亦近褻而非其體。

其說不足採也。

渭陽

序說康公念母也。康公之母晉獻公女。文公遣麗姬之
難。未反而秦姬卒。穆公納文公。康公時爲太子。贈送文
公於渭之陽。念母之不見也。我見舅氏如母存焉。及其
卽位。思而作是詩也。朱子集傳。晉公子重耳出亡在外。

穆公召而納之。時康公爲太子。送之渭陽而作此詩。今按此篇序說云。康公卽位作是詩。朱子傳解又云。爲太子時作此詩。今從朱子詳見本傳。

權輿

序說刺康公也。忘先君之舊臣。與賢者有始而無終也。朱子集傳亦云。秦君而未有明指。今按此篇上屬渭陽。又繫秦風之末。序說不可易也。考春秋傳。史記。秦穆公尊顯百里奚。孟明諸人可謂能用賢矣。及康公卽位。猶承先公舊業。其後禮意寢衰。故詩人刺之如此。若康公

以後終春秋之世。自共迄悼凡六君。共公桓公景公
哀公惠公悼公未
聞賢明好士者。恐未必有渠渠之夏屋以待賢人如詩
所云也。故此篇傳解當從舊說爲正云。

陳

宛邱

序說刺由公也。淫荒昏亂。游蕩無度焉。朱子曰。陳國小
無事實。由公但以謚惡。故得游蕩無度之詩。未敢信也。
集傳國人見此人常游蕩於宛邱之上。故序其事以刺
之。今按陳風首宛邱東門之枌。所以著陳俗也。此篇當

從朱子傳解詳見本傳。

或疑詩曰。洵有愴兮。而無望兮。望。瞻望也。篇中所刺。蓋非同巷細民之事。其刺在位之詩。與原按此說得之。毛傳亦曰。子大夫也。蓋問巷細民。固不宜以瞻望爲言。然如序說云。刺幽公。而以國君之尊。出門游蕩如此。乃仍謂之有愴。豈曰抑揚其辭。然已非體矣。故云刺在位。義爲近之。夫一國之人。貴者且然。賤者可知。此所以著陳之風俗也。

東門之枌

序說疾亂也。幽公淫荒風化之所行。男女棄其舊業。而
會於道路。歌舞於市井爾。今按此篇序說蓋緣前篇之
誤故有幽公云云。然非詩意也。故朱子削之餘與朱子
傳解略同。今詳本傳。

獨門

序說誘僖公也。愿而無立志故作是詩以誘掖其君也。
朱子曰。僖者小心畏忌之名。故以爲愿無立志。而配以
此詩。不知其爲賢者自樂而無求之意也。今按此篇朱
子傳解明白清切。小序毛鄭氏舊說失之鑿矣。不可從。

也。毛鄭氏舊解云。賢者不以衡門沒陋。不遊息于其下。喻人君不可以國小不興治。致政化。說極牽強無理。不可從。

東門之池

序說刺時也。疾其君之淫昏。而思賢女以配君子也。朱子曰。此淫奔之詩。序說蓋誤。今按詩曰。彼美淑姬。可與晤歌。彼美淑姬。可與晤言。此爲淫奔之女明矣。其曰淑者。亦其人自相愛美之辭爾。小序泥此而生曲說謬也。

東門之楊

序說刺時也。昏姻失時，男女多違，親迎女猶有不至者也。朱子集傳，此亦男女期會而有負約不至者，故因其所見以起興。今按時齊俗已不親迎，若陳小國猶守古禮，豈有親迎而女不至者？又其詩曰：「昏以為期，明星煌煌。」亦未見親迎之意。序說無理，不足據也。今從朱子傳解。

詩二章曰：「明星哲哲。」註疏本從哲。陸云之世反。按陸氏釋文小雅

庭燎篇庭燎晰晰云：「晰又作哲。」並之世反。朱子集傳

音義同。集傳音晰，並音制。故本傳用朱子庭燎篇集傳義。

墓門

序說刺陳佗也。陳佗無良師傳。以至於不義。惡加於萬民焉。今按此篇小序大旨明白清切。唯所謂無良師傳者。衍義耳。詩曰夫也不良。謂陳佗也。毛鄭氏舊解指歸皆非。朱子傳解併闕其

說。集傳云。此詩對不良之人。不知何所指。今恐詩義不究。故復斷從之。詳見

本傳。此篇所謂夫者。若不知何人。云無良者。又不知何事。詩意既落空。無著併前復篤聖人編次陳風之

義亦不可解。故曰詩義不用。

防有鵲巢

序說憂讒賊也。宣公多信譏君子憂懼焉。朱子集傳此

男女有私而憂或聞之之辭。今按詩人以美人比君。衛

風簡兮篇有之。序說毛鄭氏舊解似屬可通。

鄭氏箋解篇中予美

謂宣公。

華谷嚴氏又謂憂諷賦者詩人爲賢者憂之。予美

蓋指賢者說亦近理。然以前後篇東門之池東門之楊
月出澤陂諸詩比之。而新以陳風編次之義。則當以朱
子傳解爲正。說詳詩次問及補言。

月出

序說刺好色也。在位不好德而悅美色焉。朱子集傳此
亦男女相悅而相念之辭。今按此篇序說作刺詩。義已

見前總辨。

澤岐

序說刺時也言靈公君臣淫於其國男女相悅憂思感傷焉朱子集傳此詩之旨與月出相類今按此篇未有刺意序說靈公君臣云云皆衍義耳朱子傳解明白清切詳見本傳

檜

陽有萋楚

序說疾恣也國人疾其君之淫恣而思無情慾者也朱

子集傳政煩賦重。人不堪其苦。歎其不如草木之無知。而無憂也。今按此篇從朱子傳解。小序曲說其無理也。

匪風

序說思周道也。屬小政亂。憂及禍難。而思周道焉。朱子曰。詩言周道。蓋謂適周之路。如四牡所謂周道逶遲耳。序言思周道者。蓋不達此意也。集傳周室衰微。賢人憂歎。而作此詩。今按小序誤解篇中周道字義。朱子辨之詳矣。但此詩既爲邠人所作。必以其國小將亡。而因念周室之衰。如此詩所謂中心相兮。中心悼兮者。蓋不止

歎周室亦所以傷檜也。朱子傳解未及。故復採序意補之。

賈

蜂蟬

序說刺奢也。昭公國小而迫。無法以自守。好奢而任小人。將無所依焉。鄭氏箋喻昭公之朝。其羣臣皆小人。徒整飾衣裳。不知國將迫。有君臣死亡無日。如渠略然。今按此篇詩意。猶檜風羔裘也。序說及鄭氏箋義。明白可從。但所謂昭公者。未有考。如存其說可耳。又篇中亦未

見刺小人意詳見本傳朱子集傳時人有以刺爲虐者故以蜂蟻爲比而刺之又
以序以爲刺其君或然而未
有考今從朱子集傳後說

詩三章曰。黻衣如雪。鄭氏箋云。麻衣。深衣也。考孔氏
正義及禮記疏。鄭氏說亦可依據。故並從之。

侯人

序說刺近小人也。其公遣君子好近小人焉。朱子曰。此
詩但以三百赤芾合於左氏所記晉侯入晉之事。序遂
以爲其公未。知然否。今按詩曰。彼其之子。三百赤芾。左
氏春秋傳稱晉文公入晉。數之以其不用倍負。而乘

軒者三百人。據此則序說亦可存。

鴈鳩

序說刺不壹也。在位無君子用心之不壹也。朱子曰。此美詩。非刺詩。今按此篇序說亦作陳古刺。今之詩辨已見前。但篇末二章以正四國。正國人爲言。亦美在位之辭。序說有可節取者。朱子傳解未及。故今補之。

下泉

序說思治也。曹人疾共公侵刻下民。不得其所。憂而思明王賢伯也。朱子曰。曹無他事可考。序因候人而遂以

爲共公然此乃天下之大勢非共公之罪也。集傳玉室
陵夷小國困弊故以寒泉下流苞稂見傷爲比。今按序
說疾共公云云衍義可刪。朱子云天下大勢者卽王室
陵夷小國困弊之謂也。解見本傳。

四

朱子集傳武王崩成王立年幼不能蒞阼。周公且以冢
宰攝政。今按蔡氏尙書註蔡仲之命篇載吳氏說云。周
公攝政在成王諱陰時。非以幼冲而攝其攝也不過位
冢宰之位而已。非謂攝天子位也。三年之喪二十五

而畢。方其畢時。周公固未嘗攝。亦非有七年還政之事。百官總已以聽冢宰。未知所從始。如殷高宗已然。不待周公行之也。按吳氏此條說。最爲詳盡。蓋秦漢以來。諸儒說成王周公事。惟誤解尙書洛誥首朕復子明辟及末周公誕保文武受命七年之文。遂有七年致政以王之說。蔡氏尙書註辨之已明。又四書金縢洛誥立政及周頌閔予小子訪落等篇。成王自稱小子冲子。而管叔周公咸稱王孺子。故有成王年幼不能踐阼之說。今考金縢稱武王既喪。管叔及羣弟流言。周公避位居東。二

年成王得金縢之書泣曰其勿穆卜云云夫見金縢之書卽悟周公之德則成王非幼弱不能泣旡明矣其自稱曰小子冲子者自謙之辭管叔周公皆成王季父古人言質故成謂王孺子非以其年幼也朱子集傳云云蓋亦仍用先儒沿襲之義而未改正今當採尙書註吳氏說更定之

七月

序說陳王業也周公遭變故陳后稷先公風化之所由致王業之艱難也鄭氏箋周公遭變者謂管蔡流言避

居東都。朱子曰。董氏曰。先儒以七月爲周公居東所作。考詩陳后稷公劉之化。方風諭以成其德。故是未居東也。今按大雅文王生民公劉等篇。皆周公召公陳先王先公之德。以戒成王。然皆列於雅。而七月一篇。獨列於風。又冠鴟鴞以下諸篇之前。春秋傳季札觀樂歌。幽曰。其周公之東乎。則凡幽風諸詩。皆作於周公居東及東征時。而七月一篇。爲周公遭變而作。其義甚明。小序及鄭氏箋說。未可易也。篇中雖未見居東意。然周公作詩時。方陳后稷公劉之化。豈得復自言遭變事乎。董氏云。

云猶未盡篇義故復採舊說補之

賜鵲

朱子集傳周公東征二年乃得管叔武庚誅之成王猶未知公之意也公乃作此詩以貽王今按尚書金縢篇曰武王既喪管叔及羣弟並言於曰公將不利於孺子周公告二公曰我之弗隨我無以告我先王周公居東二年則罪人斯得于後公乃爲詩以貽王名之曰鵲蔡氏註云辟繒爲避居東居國之東孔氏以居東爲東征者非孔氏安國尚書傳以居東爲東征因解弗辟之時爲致辟言蔡謂誅殺之也孔氏此條

實無義理蔡氏註

說是也。謂者詳之。朱子與蔡氏書亦曰。不當從孔氏說。

詳見下文。今詩傳云云。或謂未及追改理或然也。今宜正之。

又按尚書蔡氏註云。周公居東二年。成王因風雷之變。既迎公以歸。三叔懷流言。遂有武庚以叛。成

王命周公征之。愚考管叔武庚之亂。雖在迎歸周公後。然當周公作鴟鴞詩以前。避位居東二年時。蓋其叛逆已露矣。成王因是知流言之興。罪由管叔。故金縢曰。罪人斯得。鴟鴞篇亦曰。既取我子。無毀我室。周公作詩語意。已明指管叔武庚同惡相黨。將與爲亂。

之事言矣。但其時叛迹雖彰，而述師未舉，成王尚未

深信，故周公作此詩曉之。近世學者因蔡氏尚書說

未辨明此義，遂誤解鴟鴞篇語，為武庚亂後之作，欲

復從孔氏尚書傳說。

蔣氏仁叔輩說如此。

不知朱子及蔡氏辨

論正當義理明曉，無復可疑。

朱子與蔡氏書曰：三經方流言，周公處骨肉之

閒，豈應以片言半語遽然興師征之？又成王方疑周

公，周公固不應不請而自誅之。若請之於王，亦未必

見從。蔡氏註說大意略同。

又如孔氏說居東果是東征，復以罪人

斯得為武庚已誅，則王室之亂平矣。周公又何必作

此詩而有取于毀室之云爾哉？後儒紛紛異義，不特

當時情事未協亦於本篇詩意終不合耳

東山

序說周公東征也周公東征三年而歸以勞歸士大夫美之故作是詩朱子曰此周公勞歸士之辭非大夫美之而作也今按此篇朱子辨訛善矣解見本傳

破斧

序說美周公也周大夫以惡四國焉朱子曰此歸士美周公之辭非大夫惡四國之詩也詩所謂四國猶言斬伐四國耳序以爲管蔡商奄尤無理集傳從軍之士以

前篇周公勞已之勤故言此以答其意今按小序謬誤
朱子辨論已明但四國云管蔡商奄者乃毛氏傳解序
未有明說也又此篇次東山之後或後人編第如此當
日軍士賦詩恐非一時酬對之作朱子集傳云云說未
可泥也

伐柯

序說美周公也周大夫刺朝廷之不知也鄭氏箋成王
既得風雷之變欲迎周公而朝廷羣臣猶惑於管蔡之
言不知周公之聖德疑於王迎之禮是以刺之朱子辨

說見下。集傳周公召東之時。東人言此。以比平日欲見周公之難。今日得見周公之易。深喜之之辭也。今按此篇說並見下篇。

九罍

序說同上篇。朱子曰。二詩東人喜周公之至。而願其畀之辭。序說皆非。集傳周公召東之時。東人喜得見之云云。今按前篇及此。朱子但云序說皆非。而未詳其辨。後儒或復申序義。及毛鄭氏舊解。郝氏仲與說如此。考金縢成王因風雷之變。啟書而泣曰。惟朕小子其親迎我國家禮。

亦宜之。是成王當日已悟流言之非而欲以禮迎公矣。斯時朝廷豈敢有悖天子命。冀於逆惡。惡管蔡之言而疑於迎公之禮者哉。小序及鄭氏箋說甚無理也。學者不察而欲從之。惑矣。

狼跋

詩曰。公孫碩膚。孫如春秋公孫于齊之孫。猶言進讓而去也。指避位居東言。按此則蔡氏尚書註說益明。

詩益卷之十六終